



## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

3. Quòd Angelica salutatio sit memoria & gratiarum actio incarnationis Christi, & ob id frequentanda.

**urn:nbn:de:hbz:466:1-29452**

Deo ut datori honorū omniū debemus: sed talis est,  
scut frater fratrem implorat: & cùm ipsa sit de car-  
ne & sanguine nostro, tanquam à sorore nostra peti-  
mus, vt pro nobis oret Deum, non quidē ut Dea, quæ  
adoretur, aut quæ donet ea quæ petimus.

Tertiō, veteres statuerunt, vt quoq; quotidiē post  
orationem Dominicam recitetur angelica salutatio,  
non solū propter virginem, sed potius ad renouan-  
dam assiduō memoriam incarnationis Iesu Christi,  
& vt tāto beneficio quotidie referamus laudes & gra-  
tiarum actiones. Est planē hoc beneficiū Christi in-  
carnationis immensum & ineffabile, sicut dicit Au-  
gustinus de Trinitate lib. 13. cap. 19. In rebus per tem-  
pus ortis summa hēc gratia est, quod homo in unita-  
te personē coniūctus est Deo: ideo gratias agere quo-  
tidie omnes tenemur incarnationi, id quod fit in re-  
citatione symboli. Est & alia causa recitationis an-  
gelicæ salutationis, vt feruentius inculcetur iunio-  
tibus, vt credant Deum & filium Dei incarnatum.  
Nā vera fides quæ nos iustificat & saluat, credit Deū  
incarnatum. Multi dicunt, credo in Deum, satis mihi  
est, quid mihi de Christo? At qui incarnationis myste-  
riū ignorat, vel non credit, is frustā se iactat cre-  
dere in Deum vel filium Dei. ideo audiendi non sunt  
osores angelicæ salutationis, qui illam volunt aboli-  
tam ne recitetur &c.

*PASSVS SVB PONTIO PL*  
lato, crucifixus mortuus & sepultus,  
descendit ad inferos.

## CAP. XXXVIII.

## ARGUMENTA.

1. *Quare oportuit redemptorem nostrum Chri-  
stum esse Deum & hominem.*

X S 2. *Quo*